

«ԿԱՐՍ» ԹԵՐԹԸ

Կարսի մարզի սոցիալ-տնտեսական պատմության ուսումնասիրության համար կարևոր աղբյուր է հանդիսանում «Կարս» թերթը¹։ Նրանում բազմակողմանիորեն արտացոլված է մարզի սոցիալ-տնտեսական և հասարակական կյանքը։

«Կարս» թերթը հիմնադրվել է 1882 թ. և հրատարակվել է ավելի քան 35 տարի մինչև 1917 թ. Փետրվարյան բուրժուա-դեմոկրատական հեղափոխությունը։ Ներկայումս «Կարս» թերթի լրիվ կոմպլեկտը պահվում է Լենինգրադում՝ ՍՍՀՄ գիտությունների ակադեմիայի գրադարանի մամուլի ֆոնդերում, որոշ համարների կան նաև Մոսկվայի Վ. Ի. Լենինի անվան գրադարանում։

«Կարսը» մարզում լույս տեսած միակ պարբերականն էր։ Այս ոչ մեծ չափսի, 4—6 էջանոց թերթը լույս էր ընծայվում շաբաթը մեկ անգամ՝ տարեկան ընդամենը 52 համար։ «Կարս» շաբաթաթերթը Կարսի մարզի պաշտոնական օրգանն էր և անմիջականորեն ենթարկվում էր զինվորական նահանգապետին։ Թերթի ամենաառաջնահերթ քաղաքական նպատակն էր՝ նպաստել մարզում նորահաստատ իշխանության ամրապնդմանը, պաշտպանել գոյություն ունեցող կարգերը և միաժամանակ գործնական օժանդակություն ցույց տալ նահանգապետին՝ հնարավորին չափ դյուրացնելու համար մարզի առօրյա կառավարումը։ Թերթի առաջնորդողներում կենտրոնական տեղ են գրավում պաշտոնական հրամանները, հաղորդագրությունները, ինչպես նաև քաղաքական լուրերը։ Հանդիսանալով կառավարության ու իշխող դասակարգերի պաշտոնական օրգաններից մեկը, նա իր համարներում առատորեն հրապարակում էր տեղական ու բարձրագույն իշխանությունների օրենքներն ու հրահանգները, տարածում ու մասսայականացնում ցարիզմի քաղաքականությունը։ Սակայն, շնայած թերթի քաղաքական այդպիսի ուղղվածությանը,

նրանում կա բավական հարուստ նյութ մարզի և ընդհանրապես այդ ժամանակաշրջանի պատմության շատ հարցեր վեր հանելու համար։

Այդ տեսակետից առանձնապես արժեքավոր են մարզի տնտեսության պատմությանը վերաբերող նյութերը։ Թերթում լույս են տեսել մարզի նահանգապետների ամենամյա հաշվետվությունների մեծ մասը, ինչպես նաև առանձին օկրուգների և տեղամասերի պետերի հաղորդագրությունները։ «Կարսում» բավականին տեղ է հատկացված մարզի ագրարային հարաբերություններին՝ մարզի հողային հանձնաժողովի գործունեությանը, հողաբաշխման ու հողակարգավորման հարցերին, հողատիրության ձևերի, հարկային ռեֆորմների պատմությանը, ցարիզմի վերաբնակեցման քաղաքականությանը և այլն²։ Նրանում կան հարուստ վիճակագրական տվյալներ մարզի սոցիալ-տնտեսական զանազան բնագավառների մասին։ Թերթը լայնորեն օգտագործել է մարզի վիճակագրական վարչության հավաքած տվյալները։ Ինչպես հետաքրքիր տեղեկություններ գյուղատնտեսության տարբեր ճյուղերի զարգացման վերաբերյալ³։ Զգալի տեղ է հատկացվել մարզի առանձին վարչական շրջանների ու գյուղերի տնտեսական նկարագրությանը նվիրված հոդվածներին և ակնարկներին⁴։ Առանձնապես արժեքավոր են տեղերից ուղարկված թղթակցություններն ու նամակները։ Հատկանշական է, որ դրանք շատ հաճախ լույս էին տեսնում իրենց նամակագիր բնակիչների ստորագրությամբ։ Տեղերից ստացվող նյութերում արժարժվել են մարզի բնակչության տարբեր խավերի կենսական խնդիրները, որոնցից մենք պատկերացում ենք կազմում մարզի

² Տե՛ս «Карс», 1883, №№ 3, 6, 7, 11, 24, 32, 49, 1884 № 7, 1885 № 3, 1886 №№ 2, 8, 16, 1887 №№ 26, 41, 1893 № 8, 1898 № 42, 1899 № 43, 1903 № 2, 1904 №№ 24, 25, 26, 1907 № 32։

³ Նույն տեղում, 1890 № 30, 1910 № 29, 1911 № 46, 1912 № 26, 1913 №№ 15, 52, 1914 № 10։


⁴ Նույն տեղում, 1886 №№ 28, 31, 1910 №№ 23, 28, 35, 37, 1912 №№ 48, 50։

¹ «Կարս» թերթի առանձին տարիների նյութերը օգտագործել է պատմական գիտությունների դոկտոր Ա. Մ. Պողոսյանը, Սոցիալ-տնտեսական հարաբերությունները Կարսի մարզում (1878—1920 թթ.), Երևան, 1961։

բնակչության և մասնավորապես գյուղացիության գրության մասին: Անուղղակի ձևով ակնարկվում էին գյուղացիական բողոքագրերն ու զանգատները, որոնցում մարդի բնակիչները հայտնում էին իրենց զանազան կարիքների, գյուղում տիրող անիրավությունների մասին⁵:

իևտոնի, հայտարարությունների բաժիններ և այլն:

Այս բոլորից բացի, թերթում լույս են ընծայվել որոշ աշխատություններ: Իրանցից առանձնապես հիշարժան են հնագետ Դ. Բակրա-ձեի «Կարսի մարդի պատմա-ազգագրական ակ-



Թերթի համարներում կցկտուր տեղեկություններ կան նաև գյուղացիական հուզումների ու հատկապես հրկիզումների վերաբերյալ⁶:

Թերթն ունեցել է նաև բանասիրության, ֆե-

նարկը» (1883 թ.) և թերթի Երկարամյա խումբագիր, փոխգնդապետ Բ. Ս. էսաձեի «Կարսի մարդի ուրվագծերը» (1913 թ.) աշխատությունները:

Ա. ՀԱԿՈՅԱՆ

⁵ ՏԵՄ նույն տեղում, 1900 թթ 19, 21, 1907 թ 7, 1909 թ 40:

⁶ ՏԵՄ նույն տեղում, 1887 թթ 46, 48,

1890 թ 52, 1894 թ 5, 1895 թ 20, 1900 թ 49, 1904 թ 2, 1905 թ 48, 1907 թթ 30, 32: